

MUZIONI
(CÙ DUMANDA D'ESAMI PRIURITARIU)

- **DIPUSITATA DA** : U GRUPPU « CHJAMA À L'UNITÀ »

- **UGHJETTU** : A LINGUA CORSA È I STUDI CORSI

VISTU a deliberazione n° 24/155 AC di l'Assemblea di Corsica di u 29 di nuvembre di u 2024 purtendu l'adottu d'una resoluzione relativa à a lingua corsa ;

VISTU l'arrestu n° 23MA01110 di a Corta amministrativa d'appella di Marseglia di u 19 di nuvembre di u 2024 purtendu nantu à l'interdizione di parlà a lingua corsa à l'Assemblea di Corsica ;

VISTU l'acchjappata di a « Ligue des Droits de l'Homme » da a Cullettività di Corsica dopu à sta decisione ;

CUNSIDERENDU chè a filiera Studii Corsi custituisce un elementu essenziale di u dispositivu di a tramendera di a lingua è di a cultura corsa, furmendu l'insignanti, ghjurnalisti, mediatori culturali, cercatori è prufessionali indispensevule per a vitalità linguistica nantu à u nostru territoriu ;

CUNSIDERENDU chè a rimessa in causa publica o mediatica di sta filiera fragiliseghja a capacità di a Corsica à assicurà una pulitica linguistica cuerente è ambiziosa, di a scola à l'università ;

CUNSIDERENDU chè l'Assemblea di Corsica dispone d'una cumpetenza ind'a definizione è a messa in ballu di a pulitica linguistica territoriale, soprattuttu in materia di sustegnu à l'insignamentu, di nurnalizzazione, di a valurizzazione suciale di u corsu è d'interpellazione di u Statu per a ricunniscenza di i so diritti ;

CUNSIDERENDU chè a restrizione imposte da a decisione di a Corta amministrativa d'appella di Marseglia custituiscenu un frenu à l'adopru di l'istituziunale, rinfurzendu l'impurtenza strategica d'una filiera universitaria capace di furnà i quadri linguistichi qualificati ;

CUNSIDERENDU chè a Cullettività di Corsica à a respunsabilità d'accompagnà l'Università di Corsica ind'è a cunsolidazione di e so filiere ;

L'ASSEMBLEA DI A GIUVENTÙ DI A CORSICA

SUSTENE a filiera Studii Corsi di l'Università di Corsica è ricunnosce u so rolu strategicu ind'è a tramandera di a lingua corsa è a strutturazione di i settori prufessiunali legati à a pulitica linguistica ;

CUNDANNA e diffusione d'infurmazione falze purtendu uffesa à u travagliu di l'Università di Corsica ;

AFFIRMA a necessità d'una cuntinuità educativa integrata, da a scola materna à l'Università, indispensevule à a nurmalizzazione è à a vitalità di a lingua corsa ;

DUMANDA chè e riforme o decisione ch'è tocca à a lingua corsa sia custruita incù tutti l'attori educativi, culturali, associativi è istituzionali di l'isula ;

DUMANDA di rinfurzà u sustegnu istituziunale è finanziariu purtata à a filiera Studii Corsi, soprattutto à l'attrattività, di valurizzazione è di sviluppu ;

DUMANDA di mette in ballu un dialogu furmalizatu incù l'Università di Corsica per addunisce l'azzione linguistiche di u territoriu è d'assicurà a cuerenza trà di elle ;

DUMANDA di sviluppà una strategia di sbocchi pubblici à prò di i laureati di Studii Corsi ind'è i settori educativi, culturali, patrimoniali, mediatichi è istituzionali ;

DUMANDA di travaglià nantu à l'elaburazione d'un quadru ghjuridicu permettendu à a filiera Studii corsi d'esse assicurata.